



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-49-1-3395-10/19

Datum: 15.11.2019.godine

Na osnovu člana 70. stav 1. i stav 6. a u vezi sa članom 69. stav 2. tačka d) Zakona o javnim nabavkama Bosne i Hercegovine ("Službeni glasnik BiH", broj: 39/14), Općinski načelnik, donosi:

O D L U K U

poništenju postupka javne nabavke

I

Poništava se postupak javne nabavke radova, "Izgradnja bunara, podstanice i tlačnog voda Mrkotić, općina Tešanj", koji je objavljen na Portalu javnih nabavki dana 23.10.2019.godine pod brojem: 375-1-3-338-3-112/19, obavještenje o nabavci objavljeno u SL.glasniku BiH broj:73/19 dana 01.11.2019.godine pod brojem: SI-20710-19.

II

Ova Odluka stupa na snagu danom donošenja.

III

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6.Zakona o javnim nabavkama.

O b r a z l o ž e n j e

Postupak javne nabavke radova "Izgradnja bunara, podstanice i tlačnog voda Mrkotić, općina Tešanj" pokrenut je Odlukom o pokretanju postupka broj:02-49-1-3395-2/19 od 18.10.2019.godine. Odabran je otvoreni postupak, koji je objavljen na Portalu javnih nabavki dana 23.10.2019.godine pod brojem: 375-1-3-338-3-112/19, obavještenje o nabavci objavljeno u SL.glasniku BiH broj:73/19 dana 01.11.2019.godine pod brojem: SI-20710-19, procijenjena vrijednost javne nabavke bez PDV-a je 85.000,00 KM a kriterij za dodjelu ugovora je najniža cijena.

U ostavljenom roku za dostavu ponuda pristigla je jedna ponuda i to: ponuda HG doo Tešanj.

Komisija za javne nabavke imenovana rješenjem Općinskog Načelnika broj: 02-49-1-3395-4/19 od 04.11.2019.godine i Rješenjem o izmjeni broj: 02-49-1-3395-5/19 od 08.11.2019.godine izvršila je dana 12.11.2019.godina javno otvaranje ponuda o čemu je sačinila Zapisnik sa otvaranja ponuda i isti prosljedila ponuđaču.

Komisija je na zatvorenoj sjednici izvršila provjeru formalne ispravnosti sadržaja pristigle ponuda, te ustanovila da je ponuda HG doo Tešanj formalno neispravna, naime ponuda HG doo Tešanj sadrži - formalni nedostatak koji se sastoji u tome da ponuda nesadrži Spisak izvršenih ugovora kako je to traženo tačkom 13.3.2 pod b) tenderske dokumentacije. Iz Potvrde o uredno izvršenom ugovoru od 07.11.2019.godine broj:39/19 izdate od Društva za proizvodnju, trgovinu i usluge AB-TRANS doo Tešanj se vidi da je na istoj navedeno da je radove na "Izgradnji vodovoda Tepe-Hrvatinovići, distributivni i potisni vod" u vrijednosti od 96.377,00KM izvodila firma HG doo Tešanj. Za Ugovor broj:02-49-1-2911-15/17 od 26.12.2017.godine koji se navodi u potvrdi (naknadnom provjerom) utvrđeno da je potpisan od strane Izvođača radova AB-TRANS doo Tešanj u ime Konzorcija AB-TRANS doo Tešanj i NEDJING doo Tešanj na osnovu Punomoći od 14.11.2017.godine. Potvrda o uredno izvršenom ugovoru od 07.11.2019.godine broj:39/19 ne sadrži podatak niti dokaz (potpisan ugovor o podizvođenju i sl.) koji dokazuje da je ponuđač HG doo Tešanj izveo radove po ovom ugovoru.

Zapisnikom o pregledu i ocjeni ponuda broj:02-49-1-3395-9/19 od 14.11.2019.godine Komisija je u skladu sa članom 69. stav 2. tačka d) Zakona o javnim nabavkama preporučila ugovornom organu da poništi postupak javne nabavke radova "Izgradnja bunara, podstanice i tlačnog voda Mrkotić, općina Tešanj", jer je ponuda ponuđača HG doo Tešanj od 12.11.2019.godine formalno neispravna.

Uzimajući u obzir sve navedeno odnosno imajući u vidu činjenicu da pristigla ponuda nije prihvatljiva jer je formalno neispravna, to je primjenom člana 69. stav 1. tačka b) i stav 2. točka d) Zakona o javnim nabavkama Bosne i Hercegovine ("Službeni glasnik BiH", broj: 39/14) odlučeno kao u dispozitivu ove Odluke.

Pouka o pravnom lijeku: Žalba na Odluku o poništenju postupka javne nabavke izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđač,
2. Služba za društvene djelatnosti i investicije,
3. Služba za finansije, privredu, komunalne i inspeksijske poslove-računovodstvo,
4. Web stranica Općine Tešanj, elektronski
5. Predmet.

Huskić



OPĆINSKI NAČELNIK

[Signature]
mr.sci. Suad Huskić